

Bosna i Hercegovina
Federacija Bosne i Hercegovine
KANTON SARAJEVO
Kantonalna uprava za inspekcijske
poslove



Босна и Херцеговина
Федерација Босне и Херцеговине
КАНТОН САРАЈЕВО
Кантонална управа за инспекцијске
послове

1483

1219

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-05-01701/19
Sarajevo, Maj 20.2019. godine

Bosna i Hercegovina
Federacija Bosne i Hercegovine
KANTON SARAJEVO

27-05-2019

Organizaciona jedinica	Klasifikaciona oznaka	Redni broj	Broj prijave
01/1	05	8345-65	

Bosna i Hercegovina
Federacija Bosne i Hercegovine
SKUPŠTINA KANTONA SARAJEVO
SARAJEVO
(na pažnju, predsjedavajućeg, Elmedina Konakovića)

Predmet: *Odgovor na zastupničku inicijativu broj: 01-05-8345-65/19 od 26.03.2019. godine postavljeno od strane zastupnika Elmedina Konakovića - dostavlja se;*

Kantonalna uprava za inspekcijske poslove Kantona Sarajevo, dana 04.04.2019. godine zaprimila je zastupničku inicijativu postavljenu od strane zastupnika Elmedina Konakovića na Šestoj radnoj sjednici Skupštine Kantona Sarajevo, održanoj dana 26.03.2019. godine u okviru tačke Dnevnog reda " Poslanička /zastupnička pitanja, inicijative i odgovori " a u skladu sa Poslovnikom Skupštine Kantona Sarajevo koje glasi

" Poštovani,

Pokrećem inicijativu da se hitno sačini analiza trenutnog stanja u oblasti reklamnih panoa i površina u Kantonu Sarajevo, te da se poduzmu hitne mjere, kako bo se uklonili nelegalni i adekvatno sankcionisali.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Obrazloženje

Svakodnevno stižu informacije o velikom broju nelegalnih panoa, postavljenih od firmi koje posluju na području Kantona Sarajevo, te na taj način nanose veliku štetu budžetu Kantona Sarajevo ".

U vezi s pokrenutom inicijativom, dostavljamo slijedeći

ODGOVOR :

Pitanje postavljanja i uklanjanja nelegalno postavljenih reklamnih panoa na području Kantona Sarajevo je aktivno već duži vremenski period.

Ova oblast regulisana je Zakonom o prostornom uređenju Kantona Sarajevo ("Sl.novine Federacije Bosne i Hercegovine"broj: 24/17 i 1/18), Zakonom o privremenom korištenju javnih površina na području Kantona Sarajevo ("Sl.novine Kantona Sarajevo"broj:20/04, 26/12, 32/12 i 24/15) kao i podzakonskim aktima kao što su Odluka o privremenom korišćenju javnih površina na području općine koje su donijele općine.

Postupak davanja saglasnosti za postavljanje reklamnih panoa pored općina ukoliko se radi o koritu rijeke Miljacke vrši Gradska uprava Grada Sarajevo.

Poslove inspekcijskog nadzora u oblasti urbanizma i gradenja vezano za ovu vrstu objekata vrše općinske urrbanističko-građevinska inspekcija koje su shodno članu 147 stav (3) tačka g. Zakona o prostornom uređenju Kantona Sarajevo, nadležne za nadzor nad bespravnom gradnjom i uklanjanje svih bespravno izvedenih građevina ili njenih dijelova ili drugih bespravno izvedenih radova na području općine.

Shodno naprijed navedenom, prema odedbama Zakona o prostornom uređenju kantonalna urbanističko-građevinska inspekcija nije nadležna za vršenje nadzora nad postavljanjem reklamnih panoa niti je do sada učestvovala u uklanjanju isih,

Nadzor u ovoj oblasti vrši i Direkcija za ceste Kantona Sarajevo kao i inspekcija za ceste ovisno o kojoj kategoriji cesta se radi.

Postavljanje reklamnih panoa regulisano je i Zakonom o cestama Federacije BiH ("Službene novine Federacije BiH"broj: 12/10, 16/10 i 66/13) i to članovima 58; 65; 67 i 78 kojima je definisan zaštitni pojas ceste, mjesta gdje se ne smiju postavljati reklamni znakovi kao i postupak i način donošenja odobrenja te nadležnost upravitelja (Direkcije za ceste) za izdavanje odobrenja za postavljanje istih.

Pravilnikom o postavljanju reklamnih znakova na cestama ("Službene novine Federacije BiH"broj 75/10) pobliže je definisana ova oblast uz propisivanje potrebne dokumentacije na osnovu koje se izdaje odobrenje za postavljanje istih.



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Odredbama člana 7. ovog Pravilnika određeno je da se postavljanje reklamnih znakova u zaštitnom i cestovnom pojasu saobraćajnica može izvršiti nakon što korisnik dobije odobrenje nadležnog organa za ceste te dostavi urbanističku saglasnost odnosno lokacijsku informaciju nadležne općinske/gradske službe za prostorno planiranje i građenje, dokaz o rješenim imovinsko-pravnim odnosima, kopiju katastra podzemnih instalacija i tehničku dokumentaciju.

Za reklamne znakove čija je površina manja od 2m² nije potrebna urbanistička saglasnost odnosno lokacijska informacija. Za reklamne panoe čija je površina iznad 12m² korisnik je dužan pribaviti odobrenje za građenje od nadležnog organa za poslove prostornog planiranja i građenja.

S obzirom na određene nejasnoće u pogledu primjene odredbi pojedinih članova ovog Zakona i Pravilnika, Kantonalna uprava za inspeksijske poslove sa ciljem kvalitetne i potpune primjenu odredbi Zakona uputila je upit Federalnom ministarstvu prometa i komunikacija, kao predlagaču Zakona o cestama Federacije BiH, koji se odnosi na to da li se odredbe o širini cestovnog i zaštitnog pojasa striktno primjenjuju i na cestama u urbanom dijelu Kantona Sarajevo; da li se zaštitni pojas može nalaziti i u privatnom zemljištu; pojašnjenja u slučaju kada se zaštitni pojas nalazi istovremeno na prostoru koji istovremeno predstavlja priobalni pojas rijeke Miljacke; preciziranje da li je prije podnošenja zahtjeva nadležnom organu za ceste za izdavanje odobrenja za postavljanje reklamnih znakova korisnik predhodno treba obezbjediti dokumentaciju vezanu za urbanističku saglasnost ili je odobrenje nadležnog organa za ceste uslov za obezbjeđenje istih.

U svom odgovoru na upit Federalno Ministarstvo prometa i komunikacija dalo je slijedeće tumačenje:

"Članom 13. Zakonom o cestama Federacije BiH ("Službene novine Federacije BiH" broj 12/10, 16/10 i 66/13) u stavu 2. i 3. propisano je :

"Upravljanje, građenje, rekonstrukciju, održavanje i zaštitu regionalnih cesta vrše javne kantonalne ustanove za ceste a upravljanje, građenje, rekonstrukciju, održavanje i zaštitu lokalnih cesta i gradskih ulica vrše nadležni općinski i gradski organi.

Pravac, dužinu i širinu dijela javne ceste koja prolazi kroz naselje ili grad odnosno na graničnom prijelazu kao i način i uslove održavanja kolnika kao i poslove zaštite i sigurnosti tih cesta utvrđuju ugovorom upravitelj ceste i nadležna općina ili grad na osnovu člana 44. ovog zakona.

Pravilnik o postavljanju reklamnih znakova na cestama potpuno jasno propisuje način postavljanja reklamnih znakova jer je jedan režim postavljanja na otvorenoj cesti a drugi u naseljima. Kako cestovni pojas predstavlja cestovno zemljište dato na upravljanje upravitelju javne ceste, upravitelj izdaje odobrenje za postavljanje. Što se tiče postavljanja reklamnih znakova u zaštitnom pojasu (koji može biti i na privatnom zemljištu) upravitelj daje saglasnost. U slučaju preklapanja zaštitnog i priobalnog pojasa stranka mora zatražiti saglasnost kako od upravitelja vodama tako i od upravitelja javnih cesta. Kad je riječ o izdavanju odobrenja i saglasnosti uvijek se radi o predhodnom pitanju."



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Članom 52. navedenog Zakona pored ostalog, određeno je da zaštita cesta u smislu ovog zakona podrazumjeva i regulisanje postavljanje reklamnih znakova

Članom 102. Zakona o cestama Federacije Bosne i Hercegovine ("Sl.novine Federacije BiH" 12/10,16/10 i 66/13) je propisano da "poslove inspeksijskog nadzora nad provođenjem ovog Zakona vrši Federalna uprava za inspeksijske poslove za autoceste, brze i magistralne ceste, kantonalna uprava za regionalne ceste i nadležna općinska odnosno gradska inspekcija za lokalne i gradske ceste."

Nadležnost kantonalnih inspektora za ceste u vezi postavljanja reklamnih panoa određena je članom 103. tačka c. alineja 8. Zakona o cestama Federacije Bosne i Hercegovine na osnovu kojeg inspektor za ceste ima pravo narediti rušenje reklamnih panoa u cestovnom i zaštitnom pojasu postavljenih bez odobrenja ili suprotno uvjetima mjerodavnog federalnog ili kantonalnog tijela.

Analizirajući član 103. tačka 3. alineja 8. Zakona o cestama Federacije BiH jasno je da kantonalni inspektor za ceste može donijeti rješenje o rušenju reklamnih panoa u cestovnom i zaštitnom pojasu ukoliko su oni postavljeni bez odobrenja ili suprotno uslovima mjerodavnog kantonalnog tijela - Direkcije za puteve, ali samo u slučaju kada se radi o regionalnim cestama.

Kantonalni inspektor za ceste je odmah nakon prijema zastupničke inicijative, izvršio inspeksijski nadzor na navedene okolnosti na regionalnim cestama na području Kantona Sarajevo i to:

- R-442 a (Hadžići-Igman-granica Entiteta)
- R-442 b (G.Grkarica-Krstac-Darkovac-Pendičići)
- R-443 (Tarčin-granica Kantona)
- R-444 (Podlugovi-granica Kantona)
- R-445 (Semizovac-Podlugovi-Vratnica)
- R-447 (Dariva- granica Entiteta).

te konstatovao da na istim nema postavljenih reklamnih panoa.

Vlada Kantona Sarajevo je donijela Odluku o razvrstavanju lokalnih cesta i ulica u Gradu Sarajevu na području Općine Centar Sarajevo, Novi Grad Sarajevo, Novo Sarajevo i Stari Grad Sarajevo ("Sl.novine Kantona Sarajevo"broj 40/14) na osnovu koje je Općina Centar Sarajevo donijele Pravilnik o postavljanju reklama i znakova informacije u cestovnom pojasu i zaštitnom cestovnom pojasu koji pripada javnim lokalnim i nekategorisanim cestama kojima općine upravljaju. U navedenom pravilniku je regulisano da nadzor nad provođenjem istog vrši inspektor za ceste Općine Centar.

Smatramo da ovako uređena i podjeljena nadležnost inspeksijskih službi od federalnog do općinskog nivoa, upravo otvara mogućnost nelegalnog postavljanja reklamnih panoa, te



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

jedini način da se navedeno pitanje uredi je jasna definicija nadležnosti inspekcijskih službi te stvaranja zakonskih pretpostavki da nadzor u ovom dijelu može vršiti kantonalna inspekcija za ceste na području kantona bez obzira na kategoriju ceste.

S poštovanjem,

Dostaviti:

1. Predsjedavajućem Skupštine KS
2. Sekretaru Skupštine KS
3. Sekretaru Vlade KS
4. Arhiva



DIREKTOR


Fahr Halilović



web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb